

N'vous aatez pon sur l'arnitoile

Vous qui avez comme amusette d' vous abagner sur l'airnitoile , et de vous abeyer pour à rien in vous abriant derrière l'écran, n'soyez pon abaubi pasqu'un agasille vous a abîmé , cha n'est pon eune grande afolure !.

Si qu'o êtes victime d'eune accusette , achafin d'vous définte n'commincez pon, acertes , à vous aater au point d'abominer l'mitan du monte.

Surtout si ch'est pas vous qui avez atisié l'affaire,n' kayez pon dins l'atrape et tacher d' arener l'ju sans atarger .

N'artez pon sur vous première idée mais cachez à aruker pour faire assavoir vous avisse .

Sans faire d'adoremus, n'acannez pon tout rade , n'arrabiez pon et adonc restez amicabe. Amoutrez-vous bien apprins et tachez d'araisonner.

N'aboulez pon d'insultes sur vou prochain sitôt que l'discussion alle aboute.

N'abruvez pon l'dispute ,n'atétez personne et réagissez à l'avenant . Acoutez les autes , advisez les , achafin d'amarrer l'affaire , d'aruner l'dallache.

Moutrez-vous argoté et acaintiez putôt ches gins dins l'sens du poil , aponchinez les , afflatez- les pour les amidouler , mais sans pour autant amoutrer trop d' accointance ..

Abriez-vous putôt derrière l'escusse d'ête acagnardi, d'ête aboli pour n'pon acanner avec les tchiens.

Même si qu'o vous sintez tout azot , achissez-vous et pis accoisez l'conflit et avoyez par vous accertener d'chu que vous lijez .N'vous laichez pon avugler et awisiez bien chu qui est écrit.

Vous qui n'ête pon ,eune accarienne accroupie ,avant d' vous accoutrer sur vou clavier , cachez les aboutants d'l'histoire et essayez d'réponte sans acésir ch'ti qui vous a accourché ,sans vous acrincher , sans essayer d'l'achaindre , sans achevaler vos grands bidets. Veyez si qu'o avez bien aoui.

Vous n'finirettes achoclé à l'moindre achoison avec quiqu'un qui n'est pétête qu'un acidrailleux . L'moindre mot vous achoperot et adonc vous finitettes par aclicker vou bon cœur.

Vous qui êtes abloqué , pour pon abougier vote colère , artournez dins vou lit et restez aniché , acouveté in d'sous d'eune couverture in aignelin.

Assomeillez-vous in acréantant de n'pus jamais vous acrincher avec personne, de n'pus vous amoutrer actieux d'vou prochain , de n'pus actionner personne... Alors vous vous surprindrez à vous amioler avec l'albran , tout amari d'vous ête amoutré si ambleyeux .

Sans aller jusqu'à l'abracher , o z' oblierez les idées d'assassineu qu'o z'aurez eues et les invies d'achermenter l'agassille.

Pétête même que sans ête amiteux , sans aller à vous assoter d' li ,eune fos l'arnu passé, vous avalerez insanne eune bonne pinte à l'grosse morguène et intre deux avalons vous promettrez de n'pus jamais vous asticoter, de n'pus vous aroker , de n'pus vous argucher ,fin bénache d'avoir tout attrempré , tout afistolé.

Adonc dins vous viux âche , in vous adordelant , vous acoukerez de la paix et in vous aroutant à grandes andains sur l' quémin de la vie, Vous akeminerez la voie de l'sagesse et in disant adé à vou amer vous aurez l'acquet du bonheur !

Glossaire :

Aater...disputer
 Abagner (s')...flâner, perdre son temps
 Abaubi...étonné
 Abeyer montrer une curiosité
 Abimé...Sali
 Abloké...solide
 Abminer...détester
 Aboli..brisé de fatigue
 Abougier..faire sortir
 Abouler...jeter
 Aboutant..aboutissant
 Aboutier...enfler
 Abracher...serrer dans ses bras
 Abrier (s')se mettre à l'abri
 Abruver..abreuver
 Acagnardi...ramolli par la paresse
 Acaintier...caresser
 Accaner...crier avec les chiens
 Accertener (s')..s'assurer
 Acertes....sur le champ
 Acésir..incendier
 Achafin...afin
 Achaindre...frapper à grands coups
 Ache..âge
 Acheindre...saisir
 Achermenter...assommer à coups d' bâton
 Achevaler...enfourcher
 Achir (s')...s' asseoir
 Achoclé...brouillé
 Achoison..occasion
 Achoper...heurter
 Acidrailleux.. ivre de cidre
 Acrincher...accrocher
 Accoutumance..habitude
 Accarienne ..femme d'humeur difficile
 Accointance..relation amicale
 Accoiser (s')..s'apaiser
 Accourché...retroussé
 Accoutrer (s')..se pencher
 Accroupi..borné
 Accuette..dénonciation
 Acliker..fermer au verrou

Acouker...accoucher
 Acouter...ecouter
 Acouveter ...ensevelir
 Acquet...profit.
 Acréanter ... promettre
 Acrincher...accrocher
 Actieux...dégoûté
 Actionner...tourmenter
 Adé...adieu
 Adonc..donc
 Adordeler (s')..s' endormir
 Adoremus...faire des courbettes
 Adviser..consulter
 Afflater...caresser
 Afistoler..ajuster, arranger
 Afolure...blessure
 Agasille...mauvais sujet
 Aignelin..laine de jeune agneau
 Arnitoile..toile d'araignée
 Akeminer ...s'acheminer
 Albran...Homme (méprisant)
 Al grosse morguène..sans façon
 Amari...désolé
 Amarrer...arranger
 Ambleyeux...faiseur d'embarras
 Amer...rancune
 Amicabe..aimable
 Amidouler ..amadouer
 Amioler...faire amitié
 Amiteux...qui montre de l'aùitié
 Amoutrer...montrer
 Amusette ..passe temps
 Andain...enjambée
 Anicher...blottir
 Aouir..entendre
 Aponchiner...flatter
 Apprins(bien)..bien élevé
 Araisonner ..proposer ses raisons
 Aréner...arranger
 Argoté...rusé,fin
 Argucher...taquiner
 Arnu ...orage
 Aroquer...accrocher
 Arouter (s')...semettre en route
 Arrabier...enrager
 Arter..arrêter
 Artourner...retourner
 Aruker...converser
 Aruner...arranger
 Assavoir (faire)...faire savoir
 Assomeiller (s')...s'endormir

Assoter (s') ..amouracher
Asticoter...taquiner
Atarger....tarder
Attemprer...régler
Atéter...injurier
Atisier..allumer le feu
Atrape..piège
Avalons..gorgée de boisson
Avenant...proportionnellement
Avisse..avis
Avoyer...commencer par
Avugler...aveugler
Awisier...regarder
Azot (tout)...tout drôle